

He aha te FamilyBoost?

He tiro whānui tēnei pepa meka ki te FamilyBoost, tae atu ki te hunga e taea ana te kerēme me te nui o te moni e taea ana pea te kerēme.

He utu te FamilyBoost hei āwhina i ngā whānau ki te utu o te kura kōhungahunga (ECE). Mēnā e māraurau ana koe, ka taea te kerēme i tētahi ōrau o ō utu tiaki tamariki o ia wiki ia te hauwhā o te tau (ia 3 marama). Ka uru ki ngā utu tiaki tamariki ko ngā utu me ngā ratonga kōwhiri, engari kāore i roto rā ngā koha, ngā utu tāpiri rānei ka riro mai.

Ko wai e āhei ana ki te FamilyBoost

Ka whiwhi pea koe i te FamilyBoost mēnā:

- he kaitiaki koe o tētahi, ētahi tamariki rānei i raro i te 5 tau te pakeke,
- ka ea ngā here moniwhiwhi i a koe,
- e utu ana koe i tētahi kaiwhakarato ECE māraurau, ā
- he kainoho tāke o Aotearoa koe.

Te nui o te moni e taea ana te kerēme

Mā te whānau ngā kerēme FamilyBoost, kua mā ia tamaiti. E hāngai ana te nui e taea ana e koe te kerēme ki te moniwhiwhi a tō whānau, ki te hauwhā tau e kerēmetia ai anō hoki.

Ngā hauwhā tau ka mutu i mua i te 1 o Hōngongoi 2025

Mēnā he iti iho i te \$35,000 te moniwhiwhi a tō whānau i te hauwhā tau ko tō FamilyBoost ko te 25% o ngā utu ECE kua kerēmetia e koe, tae atu ki te mōrahi o te \$975.

Mēnā he nui ake i te \$35,000 te moniwhiwhi a tō whānau, engari he iti iho i te \$45,000, ka whiwhi koe i te mea iti iho o ēnei:

- e 25% o ngā utu ECE kua kerēmetia e koe, tērā rānei,
- te rahinga mōrahi (\$975) me te tango i te 9.75 hēneti mō ia tāra e whiwhi ana koe i runga ake i te \$35,000.

E whakaatu ana te tūtohi i raro nei i te rahinga mōrahi e taea ana te utu mō te moniwhiwhi o te whānau he nui ake i te \$35,000.

Moniwhiwhi ā-hauwhā tau a te whānau	Whakahokinga moni mōrahi ā-hauwhā tau
\$35,000	\$975.00
\$37,500	\$731.25
\$40,000	\$487.50
\$42,500	\$243.75
\$45,000 neke atu rānei	\$0.00

Mēnā e \$45,000, neke atu rānei te moniwhiwhi a tō kāinga i te hauwhā tau, kāore e taea e koe te kerēme i te FamilyBoost i taua hauwhā. Tērā pea ka māraurau koe i ētahi hauwhā tau, engari kua i ētahi atu.

Ngā hauwhā tau ka mutu i muri i te 1 o Hūrae 2025

Mēnā he iti iho i te \$35,000 te moniwhiwhi a tō whānau i te hauwhā tau ko tō FamilyBoost ko te 40% o ngā utu ECE ka kerēmetia e koe, tae atu ki te mōrahi o te \$1560.

Mēnā he nui ake i te \$35,000 te moniwhiwhi a tō whānau, engari he iti iho i te \$57,286, ka whiwhi koe i te mea iti iho o ēnei:

- e 40% o ngā utu ECE kua kerēmetia e koe, tērā rānei,
- te rahinga mōrahi (\$1,560) me te tango i te 7 hēneti mō ia tāra e whiwhi ana koe i runga ake i te \$35,000.

E whakaatu ana te tūtohi i raro nei i te rahinga mōrahi e taea ana te utu mō te moniwhiwhi o te whānau he nui ake i te \$35,000.

Moniwhiwhi ā-hauwhā tau a te whānau	Whakahokinga moni mōrahi ā-hauwhā tau
\$35,000	\$1,560.00
\$40,000	\$1,210.00
\$45,000	\$860.00
\$50,000	\$510.00
\$55,000	\$160.00
\$57,286 neke atu rānei	\$0.00

Mēnā e \$57,286, neke atu rānei te moniwhiwhi a tō kāinga i te hauwhā tau, kāore e taea e koe te kerēme i te FamilyBoost i taua hauwhā. Tērā pea ka māraurau koe i ētahi hauwhā tau, engari kua i ētahi atu.

Te moniwhiwhi a tō whānau

Mēnā ka tākehia tō moniwhiwhi i mua i te rironga atu i a koe (pērā i te utu ā-tau me te utu ā-hāora), ka whakamahia e mātou tērā mōhiohio ki te tātai i tō moniwhiwhi ā-whānau.

Mēnā ka whiwhi koe i moniwhiwhi kē atu (pērā i te mahikuhu), ka whakamahia e mātou tō whakahokinga tāke moniwhiwhi. Ka whakawehe mātou i te moniwhiwhi i tō puka tāke ki te 4 kia riro mai tō rahinga moniwhiwhi ā-hauwhā tau.

Me tuku koe i ngā puka tāke moniwhiwhi tōmuri i mua i tō kerēme i FamilyBoost.

Kāore mātou e aromatawai anō i tō moniwhiwhi i te mutunga o te tau tāke.

Ngā wā e taea ana te kerēme

E taea ana te kerēme i te FamilyBoost mō ēnei hauwhā o te tau:

- 1 Hūrae ki te 30 Hepetema
- 1 Oketopa ki te 31 Tihema
- 1 Hānuere ki te 31 Māehe
- 1 Āperira ki te 30 Hune.

Ka taea e koe te kōwhiri ki te tuku i tō kerēme ahakoa te wā i muri i te mutunga o te hauwhā tau, heoi me mātua kerēme takitahi ia hauwhā. E 4 tau te wā ki a koe ki te tuku i ō kerēme.

Me pēhea te rēhita me te kerēme

Tiakina ngā tārua o ngā nama, o ngā tauākī ā-hauwhā tau rānei mai i tō kaiwhakarato ECE.

Mena e haere ana ō tamariki ki ngā kura kōhungahunga ECE rerekē, me whai nama, tauākī ā-hauwhā tau rānei mai i ia kaiwhakarato ECE.

Ka taea e koe te rēhita mō FamilyBoost i myIR.

Hei rēhita me whai:

- tētahi takiuru myIR
- tētahi nama IRD mā ia tamaiti e haere ana ki te ECE
- ō mōhiohio pēke
- ngā mōhiohio o tō hoapiri.

Oti ana tō rēhita ka taea e koe te kerēme i FamilyBoost i myIR.

Ngā whakaritenga tiaki tamariki

E taea ana e ngā mātua kua wehe, e ngā kaitiaki e noho wehe ana rānei te kerēme i te FamilyBoost mēnā:

- he auau tō tiakanga o ia rā o te tamaiti/ngā tamariki,
- he utu ā tēnā, ā tēnā o kōrua mō te ECE
- he motuhake ngā nama, ngā tauākī ā-hauwhā tau rānei i raro i ō kōrua ingoa ake.

Te whiwhi i ētahi atu utu, utu āwhina rānei

Ka taea e koe te kerēme i te FamilyBoost mēnā ka riro i a koe te takuhe, te penihana, te moni paraihe, ngā utu āwhina rānei.

Ngā pūtea i whiwhi koe i Te Manatū Whakahiato Ora (MSD)

Ka taea e koe te kerēme i te FamilyBoost mēnā e whiwhi utu ana koe i a MSD, ā, he utu ECE hoki āu mō tētahi tamaiti o tō whānau.

Moni paraihe

Ka aromatawai mātou i te FamilyBoost mā te whakamahi i te moniwhiwhi ka taea te tāke. I te nuinga o te wā, kāore e taea te tāke ngā whiwhi mai i ngā rāwhara, Lotto, paraihe rānei, nō reira kāore e pā ki tō kerēme FamilyBoost.

Ngā utu āwhina

Mēnā ka whiwhi koe i ētahi atu utu āwhina hei āwhina i a koe ki te tiaki tamariki, pērā i te Pūtea Āwhina Tiaki Tamariki nā Te Hiranga Tangata, ka taea anake te kerēme i te FamilyBoost mō ngā utu tāpiri. Kāore e taea e koe te kerēme i ngā utu kua utua kētia e tētahi utu āwhina.

Mō ētahi atu mōhiohio

Hei tiroiro mēnā e māraurau ana koe, ki te whiwhi whakatau tata rānei o te nui o te moni e taea ana pea e koe te kerēme, haere ki ird.govt.nz/FamilyBoost, waea rānei ki a mātou ki 0800 767 287 Mane ki te Paraire mai i te 8 i te ata ki te 5 i te ahiahi.



ird.govt.nz

Haere ki tā mātau pae tukutuku mō ngā mōhiohio me te whakamahi i ā mātau ratonga, taputapu hoki.

- **Takiuru, rēhita rānei ki myIR** - whakahaerehia ō tāke me ō whiwhinga mā te ipurangi.
- **Ngā tātaitai me ngā rauemi** - whakamahia ā mātou tātaitai, pepamahi me ngā rauemi, hei tauira, hei tiroiro i tō waehere tāke, rapu i ngā rā tuku mōhiohio, rā utu hoki, tātai i tō utu whakaea pūtea taurewa ākongā.
- **Ngā puka me ngā aratohu** - tikiake i ā mātou puka, aratohu hoki.

Kua wareware i a koe tō tuakiri kaiwhakamahi, tō kupuhipa rānei?

Tonoa tuihonotia ēnei i te mata takiuru myIR, ā, ka tukuna atu e mātou ki te wāhitau imēra e puritia ana e mātou mōu.



Te Kāwanatanga o Aotearoa
New Zealand Government